

Tipico Arco Iris cu cassette riba mercado



ORANJESTAD (AAN) E joven conhunto Tipico Arco Iris a lanza nan prome cassette riba mercado local. Un agrupacion cu apenas un aña a presenta riba mercado un cassette cu 8 composicion.

Cancionnan ta Annette (walz), Chipi Chapa (tumba), La Golondrina (bolero), Cafetal (Cumbia), Maria Theresita (walz), Bao Palo di Tamarijn (salsa), Palo Bonito (Merengue) y Catharina Mal Muher (Tumba), cuatro cancion ta canta pa Rudy De Cuba.

Componentenan di e agrupacion ta Rubin Ponson riba mandolin, Rudy de Cuba (cuarta y cantante), Jerry Tromp (Bajo), Chonai Farro (timbales),

Muku de Cuba (congas), Robert Vrolijk (wicharo) y gueststar wals Annette, Rigoberto Tromp cu violin.

Tipico Arcos Iris den nan poco tempo tocando a logra hopi exito den Watapana Festival unda cu turistanan a gozanan masha hopi y te hasta tin peticion pa cierto grupo di turista pa e agrupacion aki toca ora nan ta nan Aruba. Den festival nan di dande tambe e agrupacion aki a logra tremendo exito y a haya bon nomber como conhunto tipico. Ultimo festival di dande nan a acompaña e dama ganadora.

DIARIO ta recomenda pueblo di Aruba pa tin un cassette di Tipico Arco Iris den nan coleccion.